

verit et in unum comportaverit. Guigonis hac de re epistolam habes hic ex tomo I Analectorum. Porro quinquagesimum aetatis agens annum, inquit Sutor, lib. II Vit. Carth., cap. 5, conversionis vero xxx,

A prioratus sui xxvii, vel circiter, non sine sanctitatis opinione spiritum Domino reddidit an. Domini 1157, ab inchoatione vero ordinis LIII. Ita ille.

GUIGONIS I

CARTHUSIÆ MAJORIS POST S. BRUNONEM PRIORIS QUINTI

EPISTOLÆ.

I.

Ad Durbonenses (5) fratres. — De supposititiis beati Hieronymi epistolis.

(MABILL. Analect. nov. edit., p. 464.)

Amicis et fratribus in Christo dilectissimis. LAZARO Durbonensi priori, et ceteris in eadem eremo Deo famulantibus, Carthusiæ prior vocatus Guigo, eternam a Domino salutem.

Inter cætera catholicorum virorum, quæ ad eruditonem fidelium elaboraverunt opera, quæ nostra quoquæ parvitas congregare studuit vel emendare; etiam epistolas beati Hieronymi, quotquot potuimus, undecunque quæsitas, et pro concessa a Deo facultate mendaciis expurgatas, in unum grande volumen redigimus. Abscidimus autem ab eis quasdam, quas vel ex aliorum doctorum scriptis, vel ex styli sententiarumque distantia, titulo tanti viri comperimus indignas : ex quibus illa est cuius est titulus ad Demetriadem, hoc habens initium : *Si summo ingenio parique fretus scientia.* Hanc quippe beatus Augustinus in opere contra Pelagium De gratia Christi et de peccato originali, ejusdem Pelagii esse dicit, quedam ipsius frustra tractatui suo interferens atque redarguens. Huic adduntur et istæ, ad Titantium de morte filiæ, cuius initium tale est : *Charitatis tua scripta percepit.* Ad Oceanum consolatoria, tale habens initium : *Diversorum opprobria, tribulationes multiplices.* Ad viduam, quæ sic incipit : *Magnam humilitati nostræ fiduciam scribendi.* Ad virginem, sive ad filiam Mauricii (dupliciter quippe intitulata reperitur) exordium istud accipiens : *Quantam in celestibus beatitudinem.* Item de lapsu virginis, sive de poenitentia, ad Susannam : uteque enim titulus in diversis codicibus invenitur. Quæ tam diversis titulatur auctoribus, ut eorum nullius sit decoranda vocabulo, cuius hoc est in quibusdam libris initium : *Puto leue esse crimen.* In aliis istud : *Quid agis, anima? quid cogitationibus aestuas?* Ad Desiderium de XII lectoribus a nescio quo in irrisionem doctorum composita. Ad Celantiam sic incipiens : *Veteris scripture celebrata sententia est.* Hæc stylo quidem nobiliore est scripta, sed nec sic beato Hieronymo digna. Postrema est de origine animæ disputatio, quasi inter beatos Hieronymum et Augustinum, ubi licet multa ex eorum scriptis ponantur, falsa tamen

B est : tum quia præfati doctores nunquam inter se præsentialiter sunt locuti, tum quia eadem questio nec apud eos, nec apud cæteros fideli catholice se-ctatores adhuc usque potuit liquido definiri. Hujus disputationis tale reperitur principium : *Cum apud vos caelstis eloquentia purissimi fontis.* Ne autem prædicti doctoris epistolæ sine rationabili causa apud imperitos suo videantur numero diminutæ, has nostræ parvitatis litteras in principio collocate. Valete. Orate pro nobis.

II.

Ad Petrum Venerabilem, Cluniensem abbatem.
(Bibliotheca Cluniacensis, p. 653.)

Domino et Patri in Christo reverentissimo abbatii Cluniacensi PETRO, dignationis ejus servus et filius, Carthusiensium pauperum inutilis Guico famulus, perpetua pace gaudere per Christum.

Crucifixum, crucifixus et ipse, crucifigendis misistis. Gratias itaque reddimus, pro qualitate munieris, charitati muneratoris. Verumtamen vestra in litteris quas misistis expressa charitas, nostra etsi magnam præstat consolationem infirmitati, non minorem tamen humilitas confusione ingerit extremitati. Unde petimus per eam, qua in nos indigne vestra fervent viscera, dilectionem, ut quando nostra exiguitati vestra scribere dignatur seruitas, ita de propria cogitatis ædificatione ut infirmitatem nostram periculosa non infletis elatione. Et illud præ omnibus et super omnia quæsumus, et defixis in terram genibus obsecramus, ne vilitatem nostram Patris nomine dignam ulterius æstimetis. Satis et super satis est, si frater, si amicus, si filius appelletur, qui nec servi nomine dignus habetur. Valete. Salutate reverendos Patres et dominos nostros, quibus paternam curam impenditis, quorum pariter et vestris precibus nostram illuminari cœcitatem, ruborari infirmitatem et aboleri petimus iniquitatem. Domini Arberti majoris prioris infirmitatibus, tanquam antiqui ac familiaris amici, nostro delere compatimur. Dominum quoque Petrum, vestris litteris specialiter inditum, specialiter et ipsi salutamus. Pro visitatione etiam quam nobis vir egregius prior claustrensis et dominus Hugo de Creceio nuper exhibuere, paternitati vestre gratias agimus. Incolumem vos assiduo virtutum profectu, ad no-

(5) Carthusia Durbonensis in Provincia, diocesis Vapincensis.

strum et totius Ecclesie gaudium, clementia divina conservet. Apud fratres nostros nostra commendatione non indigetis. Ipsem enim vestris meritis vestrisque litteris eorum visceribus vestram memoriam insolubiliter alligastis.

III.

Ad Haymericum cardinalem et cancellarium. — Monet duos esse hostes quibuscum maxime sit pugnandum, et contra Ecclesiae adversarios non armis corporalibus, sed humilitate et pœnitentia utendum.

(Opp. S. Bern. edit. MABILL., vol. II, p. 1051.)

1. Domino et amico in Christo reverendissimo, sedis apostolicæ cancellario HAYMERICO, amici (si tamen dignum est) ejus, et sui Carthusienses fratres, terrena despicer, et amare ecclœstia.

Quam grata fuerit nobis vestra præsentia recordatione sentimus unde, quæsumus, sic agite ut cum ab his diebus qui secundum Apostolum mali sunt, et secundum Psalmistam sicut umbra deficiunt, ad dies bonos et annos æternos transieritis, non de nostra (quid enim nos vel sumus vel erimus?) sed de illius visione et societate cum sanctis omnibus letemini, propter quem nostram et obscuritatem nosse, et necessitatem supplere, et, quod longe pluris ducimus, tot et tantis ecclesiasticis, quibus nunquam caretis, interpositis negotiis, latebras nostras, non solum humiliiter, sed et laboriose penetrare, nosque ipsos oculo ad oculum invisere, et ore aliis loqui, non est dignata vestra sublimitas; a quo solo summo beneficio et bono, societate scilicet et visione Dei, non spatiis locorum aut temporum (semper enim est et ubique, et in ipso vivimus, movemur et sumus) sed meritis se Jungimur peccato-ruin, sicut scriptum est: *Non est abbreviata manus Domini, ut salvare nequeat; neque aggravata auris ejus, ut non exaudiat: sed peccata vestra diviserunt inter vos et Deum vestrum (Isa. LIX, 1).* Quæ quoniam pene cuncta de mentis elatione aut de carnis venient voluntate, quorum nobis alterum cum beluis, alterum cum angelis est commune, sed reprobis, nitendum summopere est ut et mentis superbia prematur humilitate, et carnis luxuria sobrietate. Hinc Dominus: *Videte, inquit, ne graventur corda vestra in crapula, et ebrietate, et curis hujus ritæ (Luc. XXI, 34).* Itemque: *Discite a me quia mihi sum et humilis corde (Matth. XI, 29).*

2. Non ergo in multa nostra diffundatur intentio. Duo sunt tantum adversus quæ nobis totis est viribus dimicandum: elatio in mente, voluptas in corpore. His superatis, nil remanebit vincendum, nil supererit metuendum. Cupiditas enim rerum exteriorum non ob aliud inflammatur, nisi ut his modis omnibus serviatur. Contra quæ si nostrum sentimus non satis esse conatum, divinum imploremus auxilium; sed imploremus humiliiter, imploremus devote, corde, ore, actu, habitu. Dictum quippe Israelitico, cum peccasset, est populo: *Jam nunc pone ornatum tuum. Deposuerunt ergo ornatum suum de monte Oreb (Exod. XXXIII, 5).* Itemque alias luxit

A populus, et nullus eorum induitus est ex culto suo. Sicut et Ninivitarum rex, homo gentilis, ad unius hominis ignoti vocem et naufragi, descendit de solio suo, et abjecit vestimenta sua a se, et induitus est sacerdotio, et sedet in pulvere, et clamavit ad Dominum (Jon. III, 6); eamdem austoritatem non solum omnis ætatis et sexus homines, sed jumenta subire compellens. Et nos itaque Domini corporis, quod est Ecclesia, cruentam scissionem, quam nonnisi nostris evenisse credendum est meritis, nec immotis visceribus, nec siccis aspiciamus oculis; alioquin pretiosis ornati vestibus, herminis et griseis consolli pellibus, numerosis et exquisitis refecti dapibus, plumis instar Sardanapali non tam impositi quam immersi mollibus, divinam indignationem quomodo

B nostris putamus placandam precibus? et non magis metuimus ne tum prophætica contra nos dirigatur invectio, dicaturque: *Væ qui opulenti estis in Sion, et confiditis in monte Samarie, optimates, capita populorum, ingredientes pompatice domum Israel! qui comeditis agnum de grege, et vitulos de medio armenti, qui dormitis in lectis eburneis, et lascivitis in stratis vestris! (Amos VI, 10.)* de quibus concluditur, et nihil patiebantur super contritione Joseph.

C 3. Erubescamus ad hoc, dulcissime, sero cogite, brevi conspecte, cito rapte, et corporalibus oculis nunquam deinceps forte conspiciende: ab amoris tamen nostri complexibus nullis casibus, nullis avellende temporibus. Erubescamus ad hoc, nosque ipsos, si possumus, deslecamus, quod et Judaicam et gentilem videamur superasse duritiam, dum illi divinam severitatem media ciborum et vilitate simul atque asperitate mitigant vestium, nos in peccatis multis atque periculis, nec gloriæ modum damus, neque deliciis. Neque enim agnum jam de grege, aut vitulos tantum de medio armenti, sed greges integros et armenta tota consumimus. In modum quippe Amalech, cum innumera multitudo hominum et jumentorum supervenientes ecclœsiæ cuncta complemus, quidquid teligerimus, devastantes; nec his contenti, tabulas, cruces, calices, et sacras spoliannus imagines. Et ut quid hoc? forte ut pauperes sustententur, monasteria construantur, captivi redimantur? Non ita: sed potius ut ad interscindendos Christianos et sagittarii, et ballistarii, equites et lancearii conducantur: et his eripiunt res et animas, pro quibus debuerint ponere suas. Proh dolor! a summis hodie pontificibus, et per totum pene orbem, exemplo sedis apostolicæ, frater in fratre, id est Christianus in Christianum, sacra pecunia conductitur et armatur: et talibus triumphis Ecclesia mater gratulatur, et post haec totis manibus cruenta conscientis divina pergitur ad sacrificia. Si hoc ferendum, quid reprehendendum?

D 4. At regalia, aiunt, haec sunt, et de imperatoris sumpta palatio. Non negamus. Atque utinam in palatiis mansissent semper, non in sacrariis, imo magis nec in palatiis unquam fuissent, nec in ec-

clesis ! Quanto enim melius Ecclesiæ palatiis leges, quam palatia darent Ecclesiis? nunquid enim Ecclesiæ palatiis, et non potius palatia docenda commissa sunt Ecclesiis? aut palatia Christum Ecclesiis, non Ecclesiæ dedere palatiis ? Quanto ergo rectius a nobis reges cilicia, quam nos ab eis purpuras sumeremus ! Quanto utilius ipsi nostram paupertatem, nostra ieiunia susciperent, atque humilitatem, quam nos eorum avaritias, delicias atque elationem ? Quod si quis in Ecclesiis vel ecclesiasticis tentaverit quid horum arguere personis, nonne statim respondebitur hoc agentibus : Quid agis ? Quid me meis, contra evangelicam sententiam, meliorem vis facere magistris ? Nunquid non Ecclesia Romana variis, griseis, berminis, marturinis, jugulatis, et lumbatis (4), nec non et sericis abutitur indumentis ? Nunquid Ecclesia Romana convivia respuit, exercitum non conductit, bella non conficit ? Non est autem discipulus supra magistrum, neque apostolus major eo qui misit illum ; sed potius perfectus omnis erit, si sit sicut magister ejus. Quid ad hæc dicetur ? Videtis in quam arcto constituti sumus. Aut enim quod malum est, bonum dicere, aut Deo regente prorsus non faciemus ; aut apostolicam sedem (quod quis audeat?) reprehendere ; aut, quod forte tutius est, omnino tacere compellimur. Et o apostolorum tempora infelissima, in quibus ad Dei regnum, nisi per famam et situm, frigus et nuditatem aditus non patebat ! O viros illos ignorantissime tenbris involutos, et omnimiseratione dignissimos ! qui ut ad vitam quoque pertingerent, propter verba labiorum Dei, tam duras vias custodiebant, et hec nostra compendia nesciebant.

5. Hæc non doctoris aut reprehensoris auctoritate, sed dolentis et lamentantis affectu fuderimus, zelo domus Dei, cuius diligimus decorum, rodente viscera nostra, rogantes et obsecrantes, si non in ceteris, in vobis saltem nonnihil proferant fructus. Si, inquam, hi cum quibus conversamini, saluti suæ aut nullam, aut parvam, aut non sufficientem adhuc hanc curam, vos tamen, vestri non immemores, animam vestram nolite negligere. Scriptum est enim : *Custodi temet ipsum et animam tuam sollicite* (Deut. iv, 9); et iterum : *Miserere animæ tuæ placent Deo* (Eccli. xxx, 24); itemque : *Omni custodia conserva cor tuum* (Prov. iv, 23); et Dominus : *Quid prodesset, ait, homini, si mundum universum lucretur, animæ vero ase detimentum patiatur?* aut quam commutationem dabit homo pro anima sua ? (Luc ix, 25.) Non igitur ejus vobis curam eripiat aut favor principum, aut nitor ornamentorum, aut frequentia negotiorum, aut gloria pomparum, aut deliciæ conviviorum, aut oblitorum quantitas ulla donorum. Imper et ubique vestro versetur in animo, quia crescit in tremendo Christi judicio cum quibus futuri sitis, utrum cum illis quibus dicitur : *Ite, maledicti, aut cum illis qui audient : Venite, bene-*

diti. Valete. Deus Pater, qui eduxit de mortuis Pastorem magnum ovium in sanguine Testamenti æterni, Dominum nostrum Jesum Christum, aptet vos in omni bono, ut faciatis voluntatem ejus faciens in vobis quod placeat eoram se, per Jesum Christum, cui est gloria in sæcula sæculorum, amen. Nobis autem misereatur idem ipse omnipotens Deus, per vestras et totius Ecclesiæ Romanæ intercessiones et opera sacra, exhilarans corda nostra fragrantissimis et saluberrimis odoribus famæ vestræ, et continuis in veritate profectibus. Item valete. Salute nobis reverendos Patres Albanum scilicet et Ostiensem episcopos [Matthæum et Albericum] : et si quos alios vestræ visum fuerit discretioni. Valete tertio. Habetote, quæsumus, domum istam in mente vestra, sicut ipsa vos reclusit in sua.

IV.

Ad Hugonem S. militiæ priorem. — Docet qua ratione bellum spirituale sit agendum.

Dominis et amicis in Christo charissimis ac reverendissimis, Hugo, sanctæ militiæ priori, et omnibus qui reguntur ejus consilio, servi et amici Carthusiæ fratres, spiritualium simul et corporalium Christianæ religionis hostium victoriam plenariam, et pacem per Christum Dominum nostrum.

1. Quoniam in revertendo, sicut in veniendo, presentiæ vestræ gratissima allocutione frui nequivimus, visum est nobis ut per litteras vobiscum saltem pauca colloqueremur. Ad corporeæ quidem bella pugnasque visibiles dilectionem vestram exhortari nequaquam novimus; ad spiritualia vero, in quibus et quotidie versamur, etsi excitare idonei non sumus, admonere saltem desideramus. Frustra quippe exteriores hostes impetimus, si non prius intimos superamus. Et pudendum nimis est et indignum quorumlibet velle ditioni nostræ subjicere agmina, si non prius nostra nobis subjecta fuerint corpora. Quis enim ferat exterius in amplias terras extendere velle nos dominationem, et exiguis cespitibus, id est carnibus nostris, ignominiosam perpeti vitiorum servitutem ? Acquiramus itaque, dilectissimi, prius nosmetipsos, ut secure deinceps ad exteris pugnemus inimicos; mentes nostras prius a vitiis, dehinc terras purgemus a barbaris.

2. Non igitur regnet peccatum in nostro mortali corpore ad obediendum desideriis ejus, nec exhibeamus membra nostra arma iniquitatis peccato, sed exhibeamus nos Deo, tanquam ex mortuis viventes, et membra nostra arma justitiae Deo, et a caro concupiscit adversus spiritum indomabiliter. Hæc enim, inquit Apostolus, sibi invicem adversantur, ut non quæcumque vultus faciatis. Vellemus namque omni, si fieri posset, carere concupiscentia. Sed si in hac vita, quæ tota tentatio est, concupiscentia ad plenum carere non possumus, concupiscentiis saitem non serviamus. Ad quod quia viribus nobis parum sufficienes sumus, confortemur in Do-

(4) Lumbatae sunt braccæ modicæ et breves.

mino et in potentia virtutis ejus, induamusque ar-
maturam Dei, ut possimus stare adversus insidias
diaboli. Non enim, sicut ibidem sequitur, *collectatio
nobis est adversus carnem et sanguinem, sed adversus
principes et potestates, adversus mundi rectores tene-
brarum, contra spiritualia nequitiae in caelestibus, id
est contra vitia et eorum inceptrores nequissimos
spiritus. Qui si (quod et David rogat) nostri domi-
nati non fuerint, tunc immaculati erimus, et
emundabitur a delictis maximis.*

3. Stems ergo succincti lumbos nostros in veri-
tate, et calciati pedes in preparatione Evangelii pa-
cis, in omnibus sumentes scutum fidei, in quo pos-
simus omnia tela nequissimi ignea extingui; ca-
put galea salutis obiectum, dexteram gladio salutis
munitam habentes. Curramus, non quasi in incer-
tum; pugnemus, non quasi aerem verberantes: sed
castigemus corpus nostrum, et subjiciamus servi-
tuti, quia hic est hominis, id est animalis ad Dei
imaginem conditi, status ordinatissimus, cum et
caro servit spiritui, et spiritus subditur Conditori.
In hoc bello tanto erit quisque robustior, tantoque
regeute et protegente Deo, numerosis prostratis ho-
stibus triumpho gloriosiore sublimior, quanto per
omnia satererit esse humilior; tantoque econtra ad
omnia bona infirmior et inconstantior, quanto vo-
luerit esse superbior. Deus enim resistit superbis.
Non ergo opus est ut ad debellandos eos aliunde
quaeratur pugnator, quibus omnipotens resistit prae-
lator. Quos contra David dicit: *Custodiens parvulos
Dominus; atque idipsum expertus in scipso sub-
junxit: Humiliatus sum et liberavit me.* Utamur
exemplo, si simili cupimus uti remedio. Faciamus
quod fecit, si desideramus quod accepit; humiliem-
mur, ut a malis omnibus liberemur. Apostolus etiam
de Domino Jesu Christo: *Humiliavit, inquit, semet-
ipsum, factus obediens usque ad mortem, mortem autem
crucis.* Nec incassum. Propter hoc enim, ait, et *Deus
exaltavit illum, et donavit illi nomen, quod est super
omne nomen, ut in nomine Jesu omne genu flectatur,
caelestium, terrestrium, et infernorum; et omnis lin-
gua confiteatur quod Dominus Jesus Christus est in
gloria Dei Patris.* Et hinc quoque vel maxime su-
mamus exemplum, si ardemus ad præmium. Facia-
mus quod fecit, ut sequamur quo præcessit. Secte-
mur viam tantæ humilitatis, ut perveniamus ad
gloriam Dei Patris. *Omnis enim qui se humiliat exal-
tabitur, et qui se exultat, humiliabitur,* testante eo-
dem Domino nostro Jesu Christo, qui cum Patre et
Spiritu sancto vivit et regnat Deus, per omnia sæ-
cula sæculorum. Amen. Omnipotentissima miseri-
cordia, et misericordissima omnipotentia Dei, tam
in spiritualibus, quam etiam corporalibus præliis
faciat vos semper et felicissime pugnare et glorio-
sissime triumphare. Optamus vos bene valere, et in
sacris quæ tuemini locis, nostri, cum oratis, me-
moriam habere, charissimi et præstantissimi, et
meritis insignissimi fratres. Has litteras per duos
diversos nuntios transmisimus, ne quo impedimento

A (quod absit) non quirent pervenire, quas petimus,
ut cunctis fratribus exponi faciatis.

V.

*Ad Innocentium papam II. — Consolatur summum
Pontificem adversus schismatis molestias.*

Domino et Patri charissimo ac reverendissimo
apostolicæ sedis summo pontifici INNOCENTIO, servi
et filii Carthusiæ pauperes, illam quam mundus
dare non potest pacem, suæque paternitatis devotam
servitatem, et non necessarium licet obsequiam.

Multas ad vestri apostolatus sacras aures, etc.
Vide in Innocentio II, ad an. 1443.

VI.

*Hugonis Gratianopolitani episcopi, Guigonis et Car-
thusiensium fratrum epistola ad Patres in synodo I
Orensi congregatos propter necem Thomæ, Sancti
Victoris Parisiensis prioris, ab impiis crudeliter
occisi.*

(LABBE, Concil., X, col. 975.)

Dominis et Patribus in Christo reverendissimis,
archiepiscopis, episcopis et cæteris religiosis personis in præsentem locum defendendæ justitiae gra-
tia congregatis, Huco, Gratianopolitanæ Ecclesiæ
vocatus episcopus, et filii ejus, Carthusiensem
pauperum servus inutilis Guico, et qui secum sunt
fratres, agenda cognoscere, cognita viriliter adim-
piere per Christum Dominum nostrum.

Quod homines sumus, ad naturam; quod justi,
ad meritum; quod episcopi, vel presbyteri, vel ar-
chidiaconi, vel aliquid hujusmodi, ad ecclesiasticum

C pertinet officium. In primo existimus, in secundo
salvamur, in tertio providendi aliis quæ subtilio: sunt, potestatem accipimus. Duo ergo priora ad nos,
tertium refertur ad proximos. Quod si manifestum
fuerit, iuxta illud fidelium evangelicæ exemplar,
quæ tandem exspectata fructum non attulit, officium
nos inutiliter habere susceptum, nulla justa cur in
eo relinquamur remanebit occasio. Quid ergo si non
solum inutiles Ecclesiæ, sed etiam perniciosi, vel
verbis vel exemplis extiterimus? Nonne non solum
dejici, sed etiam digni sumus puniri? Etsi igitur
beati Thomæ, et cæteroram qui recenter lotis in
sanguine Agni stolis suis ad caelestia demigrarunt,
in conspectu Domini mors pretiosa mundana ultione
non egeat, tamen si Ecclesiam Dei, sine qua nec
publicæ res salvæ sunt nec privatæ, utilitate careat
disciplinæ, rogamus supplices et obsecramus, quatenus
armatura fidei protecti, et rectitudinis zelo
succensi, et sanctorum Mosis, Phinees, Mathathia,
heatorum quoque apostolorum Petri et Pauli adver-
sus Simonem, Ananiam et Barjesu pie deservientum,
maximeque ipsius Domini venditores de templo
cedendo proturbantis, exemplis animati, in sacrile-
gos homicidas ecclesiastici rigoris intrepide gladium
producat, eosque, si fieri potest, omnibus sacro-
rum officiis privetis et beneficiis, quatenus omnis
Israel audiens timeat, et nequaquam ultra quispiam
faciat simile. Ipsi enim magis quam homicide, in
quorum cruentas delicias, vota complenda, et oda
satianda, sanctorum sunt corpora laniata. Qui nisi

tantæ nequitæ non solum fructu caruerint, sed et poenam senserint, omnibus apud nos justitæ defensoribus similia sunt metuenda. Valete. Orate pro nobis, et, sacris elevatis dextris super partem mundi in qua siti sumus, benedictionem et obsecrationem

A profundite. Itcrum valete. Participes nos faciat Dens sanctorum operum vestrorum, gestorum et gerendorum. Valete tertio cum reverendis principibus Blesensi et Niverensi.

GUIGONIS

MAJORIS CARTHUSIAE PRIORIS GENERALIS QUINTI

MEDITATIONES.

(*Bibliotheca Patrum Lugdun.*, tom. XXII, pag. 1164.)

CAPITULUM PRIMUM.

De veritate et pace, et quomodo per solam veritatem pax habetur.

Veritas ponenda est in medio, tanquam pulchrum aliquid. Nec judices si quis eam abhorret, sed compatere. Tu vero cum ad eam venire desideres, cur respuis eam, cum de tuis viis increparis? Vide quanta patiatur veritas. Dicitur ebriosus: Ebriosus es; luxurioso, superbo linguosoque, similiter. Hoc autem verum est. Insaniunt tamen illi protinus, et veritatem in suo prædicatore persequuntur et occidunt. Vide quantum honoratur mendacium. Dicitur pessimis et vitiorum omnium servis: Boni domini. Placentur, gaudent et mendacium ipsum in ita loquente venerantur.

Sine aspectu et decoro, crucique affixa adoranda est veritas.

Quanto quæque creatura nobilior est et potentior, tanto libentius subditur veritati; imo hinc potens et nobilis, quia subditur ei.

Pungunt temporalia, cur non fugis ad alia, id est ad veritatem?

Idco ultra omnia adversa amara est nobis veritas, quia singulæ adversitates, singulas aut plures oppugnant voluptates. Veritas autem simul omnes calunniatur.

Si colores omnes, et cætera quæ per oculos experiri possunt esses expertus, aut ab aliis sensibus corporis sis expertus, si rumores omnes aut recitares, aut audires, quæ utilitas? Sic nec in tantis quæ expertus es vel audisti.

Neminem odisse potes, nisi tua iniquitate. Nam etiam inquis optare bonum, sanctorum est. Veritatem tantum et pacem, quæ ex ea procedit, amare oportet.

Minister veritatis amet quod ministrat, et cui ministratur. Et, cum idipsum ab alio ministratur sibi, cum gratiarum actione suscipiat, tanquam id quod amat.

Charitas sit tibi causa dieendi veritatem, tanquam modendi. Quod si quis etiam non recipit, aut com-

B pateris ei, aut non eum diligis, aut id quod spernit vile ducis, tanquam si respiciat æger salubrem medicinam.

Veritatem sine fine pax sequitur communis cum angelis; mendacium, labor et dolor, communis cum diabolo. Non defenditur veritas, sed tu illa indiges.

Amara et insuavis est veritas generi tuo nimis valde, non suo, sed eorum vitio; sicut lux fulgens, infirmis oculis. Vide ergo ne tu eam amariorem facias, dum non eam sicut debes dicis, id est charitate; sicut enim pius medicus, qui salubrem et amaram ægro dat potionem, linit oram vasis melle, ut quod (dum est dulce) libenter sumitur, etiam quod salubre est, hiatus facile capiatur. Prodesse autem hominibus tuum officium totum.

Si dicis veritatem non amore veritatis, sed desiderio lædandi, alium, non præmium dicentis veritatem, sed poenam conviciatoris assequeris.

Vide quantum supplicii passurus es, cum lux vera perfecte ostenderit te tibi; si tantum cruciatur, cui uno verbo aliquid malorum suorum ostendis. Tunc enim patebunt consilia cordium.

Æqualiter peccas cum vel alium vituperas, vel ab alio vituperaris; in utroque enim veritatem aut pro male recipis, aut pro malo irrogas. Qui ergo te flagellare voluerit, vitam tuam, id est veritatem arripiæt; per illam te cædat et cruciet.

Veritas est vita et salus æterna. Debes ergo compati ei cui displicet. In tantum enim est mortuus et

D perditus. Tu autem perversus non ei diceres veritatem, nisi putas amaram illi esse atque intolerabilem. Ex te enim metiris alios. Sed hoc pessimum est quando ut placeas hominibus, dicis veritatem, quam diligunt et mirantur sicut diceres mendacia aut adulaciones. Non ergo vel quia displicet vel quia placet, dicenda est veritas, sed ut prosit. Silenda est autem tantum ne noceat, sicut lux infirmis oculis.

Panis, id est veritas, confirmat cor hominis ne succumbat corporum formis.